

244. BARKHAUSIA FOETIDA, *glandulifera* TENOR. Fl. neap. Syll. p. 405. B. MORIS Fl. sard. vol. 2. ined.

*B. glandulosa* PRESL. Fl. sic. 1. p. XXXI. DC. ! Prod. 7. p. 158.

*Crepis glandulosa* GUSS. ! Ind. sem. H. R. Boccad. (1825) Pl. rar. p. 329.

Ic. — GUSS. Pl. rar. tab. 56. (etsi in nostra caulis, ab ipsa basi, identidem ramosus).

In ruderatis.

Fl. junio.

245. BARKHAUSIA SETOSA DC. Fl. fr. 4. p. 44?

In pascuis.

Habitu et caulis foliorumque characteribus, consentit cum *B. setosa* DC. ! Lecta in pascuis, junio exeunte, florescentia proxima: flores autem fructusque non vidimus.

#### CXL. CREPIS.

MOENCH. Meth. p. 534. DC. Prod. 7. p. 160.

246. CREPIS ? INSULARIS.

*C. villosa-pubescens*; caule monocephalo, erecto; foliis remote denticulatis, acutis, rigidulis, inferioribus oblongo-obovatis in petiolum attenuatis, ceteris sessilibus, lanceolatis, supremis linearibus, subintegris; involucri pedunculisque glandulifero-pubescentibus; caliculi squamis lineari-lanceolatis linearibusve, subpatulis; receptaculo piloso-fimbrilifero.

Ic. — Tab. III. Ic. I.

Radix subsimplex, longa, flexuosa, tenuis. Caulis 2-4 uncialis, solitarius, gracilis, erectus, simplex, inferne praesertim foliatus. Folia alterna, radicalia et caulina inferiora oblongo-obovata, in petiolum attenuata, ad inferiorem paginam vel ad utramque liventia; caulina media lanceolata, aut oblongo-lanceolata, sessilia, superiora linearia, omnia remote denticulata acutaque, subindeve suprema integra, seu nonnulla ex supremis, vel intermediis, lacinula dentiformi ad basim utrinque aucta, aut fere hastata; denticulis lacinulisque nunc patulis, nunc recurvis, apice callosis. Capitulum terminale, solitarium, pauciflorum; involucri obconico-cylindranei squamis lineari-lanceolatis, acutiusculis acutisve,

exterioribus angustioribus multoque brevioribus, viridibus minusque glandulifero-pubescentibus, margine vix aut neutiquam membranaceis, reliquis plerumque pallide virentibus, densius glandulifero-pubescentibus, villosisve, margine conspicuius membranaceis. Flosculorum ligulae extus rubellae. Styli et stigmata flava. Akenia teretiuscula, apice in rostrum neutiquam attenuata, sed adulta non vidimus: num Barkhausia? Pappus multiserialis, albus.

Planta villosa-pubescentis, pilis nempe mollibus, aliis longioribus, aliis brevioribus praedita, junioribus in summo caule involucrisque, apice glanduliferis.

In aridis apricis vallis ex qua itur ad *cala delle Leccie*.

Florebat junio (I).

### Explicatio Iconis I. Tab. III.

I. Planta naturalis magnitudinis.

1' Semiflosculus.

2' Receptaculum.

3' Akenium pappigerum (immaturum).

4' Pilus pappi.

### CXLI. ZACINTHA.

TOURN. Inst. tab. 369. GAERTN. Fr. 2. p. 358. tab. 157.

247. ZACINTHA VERRUCOSA GAERTN. l. c. TENOR. Fl. nap. 2. p. 184. et Syll. p. 408. SEBAST. et MAUR. Fl. rom. Prod. p. 274. SAVI Bot. etr. 3. p. 125. BERTOL. Fl. alp. apuan. in Amoen. p. 404. SALIS-MARSCHL. Aufzähl. der in Korsik. in Bot. Zeit. (1834) p. 34. MORIS St. sard. El. I. p. 30. *Lapsana Zacinta* LINN. Sp. p. 1141. SAVI Fl. pis. 2. p. 233.

Ic. — Cichorium verrucatum, Zacinta CLUS. Hist. 2. p. 143. ic. 1.

In pascuis, rarissima.

Fl. majo, junio.

### CXLII. PICRIDIVM.

DESF. Fl. atl. 2. p. 221.

248. PICRIDIVM VULGARE DESF. l. c. SEBAST. et MAUR. Fl. rom. Prod. p. 270. SALIS-MARSCHL. Aufzähl. der in Korsik. in Bot. Zeit. (1834) p. 33.



II. *Sinaria capraria*.

I. *Crepis insularis*.